

歷代帝王宅京記卷九

崑山顧炎武著

吳縣朱記榮校刊

雒陽下

後周

周書宣帝本紀曰大象元年春二月癸亥詔曰河洛之地世稱朝市上則於天陰陽所會下紀於地職貢路均聖人以萬物阜安乃建王國時經五代世歷千祀規摹宏遠邑居壯麗自魏氏失馭城闕爲墟君子有戀舊之風小人深懷王之思我太祖受命豐鎬胥宇崑函蕩定四方有懷光宅高祖神功聖畧混一區宇往巡東夏省方觀俗布政此宮遂移氣序朕以眇身祇承寶祚庶幾

歷代帝王宅京記卷九

一

朱氏槐廬校刊

聿脩之志敢忘燕翼之心一昨駐蹕金墉備嘗游覽百王制度基址尙存今若因修爲功易立宜命邦事脩復舊都奢儉取文質之間功役依子來之義北瞻河內咫尺非遙前詔經營今宜停罷於是發山東諸州兵增一月功爲四十五日役起洛陽宮常役四萬人并移相州六府於洛陽稱東京六府

辛卯詔徙鄴城石經於洛陽

竇熾傳曰周宣營建東京以熾爲京洛營作大監宮苑制度皆取決焉

帝好自矜夸飾非拒諫禪位之後彌復驕奢所居宮殿幃帳皆飾以金玉珠寶光華炫燿極麗窮奢及營洛陽

宮雖未成畢其規模壯麗踰於漢魏遠矣

隋書樊叔畧傳曰拜汴州刺史宣帝時營建東京以叔畧有巧思乃拜營構監宮室制度皆叔畧所定
靜帝本紀曰宣帝崩停洛陽宮作

隋

隋書煬帝本紀曰仁壽四年冬十一月癸丑詔曰乾道變化陰陽所以消息沿創不同生靈所以順敘若使天意不變施化何以成四時人事不易爲政何以釐萬姓易不云乎通其變使民不倦變則通通則久朕又聞之安安而能遷民用丕變是故姬邑兩周如武王之意殷人五徙成湯后之業雒邑自古之都王畿之內天地之

歷代帝王宅京記卷九

二

朱氏槐廬校刊

所合陰陽之所和控以二河固以四塞水陸通貢賦等故漢祖曰吾行天下多矣唯見雒陽自古皇王何嘗不留意所不都者或以九州未一或以因其府庫作雒之制所以未暇也我有隋之始便欲創茲懷雒日復一日越暨於今永懷先旨興言感哽朕肅膺寶祿纂臨萬邦遵而不失思奉先志今者漢王諒悖逆毒被山東遂使州縣或淪非所此由關河懸遠兵不赴急加以并州移戶復在河南周遷殷民意在於此況復南服遐遠東夏殷大因機順動今也其時羣司百辟僉諧厥議但成周墟堦弗堪胥宇今可於伊雒營建東京便卽設官分職以爲民極夫宮室之制以便生人上棟下宇足避風露

高臺廣廈豈曰適形故傳云儉德之共侈惡之大宣尼有云與其奢也甯儉豈謂瑤臺瓊室方爲宮殿者乎土階采椽而非帝王者乎是知非以天下奉一人乃以一人主天下也民惟邦本本固邦甯百姓不足君孰與足今所營構務從節儉無令雕墻峻宇復起於當今欲使卑宮菲食將貽於後世有司明爲條格稱朕意焉大業元年春三月丁未詔尙書令楊素納言楊達將作大匠宇文愷營建東京徙豫州郭下居民以寔之又於阜澗營顯仁宮採海內奇禽異獸草木之類以實園苑徙天下富商大賈數萬家於東京

宇文愷傳曰遷都洛陽以愷爲營東都副監尋遷將作大匠愷揣帝心在宏侈於是東京制度窮極壯麗帝大悅之

歷代帝王宅京記卷九

三

宋氏槐廬校刊

兩京記曰煬帝登北邙觀伊闕曰此龍門邪自古何爲不建都於此蘇威曰以俟陛下大業元年自故都移於今所其地周之王城初謂之東京改爲東郡

太平御覽曰煬帝遷洛陽於故周之王城卽今之東都城也

辛亥發河南諸郡男女百餘萬

北史作七百萬

開通濟渠自西

苑引穀洛水達於河自板渚引河通於淮

二年春正月辛酉東京成賜監督者有差

禮儀志曰旣營建雒邑帝無心京師乃於東都固本里

北起天經宮以遊高祖衣冠四時致祭

地理志曰河南郡舊置洛州大業元年移都改曰豫州
東面三門北曰上春中曰建陽南曰永通南面二門東
曰長夏正南曰建國里一百三市三

桃林縣有上陽宮

陝縣有宏農宮

宣陽縣有福昌宮

壽安縣有顯仁宮

煬帝記曰於阜澗營顯仁宮採海內奇禽異獸草木之
類以實園苑

唐

歷代帝王宅京記卷九 四

朱氏槐廬校刊

唐書高祖本紀曰武德四年冬十二月使行臺僕射屈
突通焚乾元殿應天門紫微觀

太宗本紀曰貞觀四年夏六月乙卯發卒治洛陽宮寶璣

傳曰為將作大匠修葺洛陽宮於宮中
鑿池起山崇飾雕麗太宗怒遽令毀之

十一年春正月庚子作飛山宮秋七月壬寅廢明德宮

之元圃院賜遭水家時大雨水
穀洛溢

高宗本紀曰顯慶元年勅司農少卿田仁住因東都舊
殿餘址脩乾元殿高一百二十尺東西三百四十五尺
南北一百七十六尺

二年冬十二月丁卯以洛陽宮為東都洛州官吏員品
如雍州罷洛陽宮總監改青城宮為東都苑北面監明

德宮爲東都苑南面監洛陽宮農圃監爲東都苑東面
監食貨監爲東都苑西面監洛州北市置官員準東西
市隸太府寺

五年夏四月作八關宮於東都苑內五月壬戌幸八關
宮改爲合璧宮

秋九月改東明門爲賓耀門西明門爲宣耀門時韋機
爲司農少卿受詔檢校東都營田園苑之事帝謂之曰
兩都是朕東西二宅也今之宮館隋代所造歲序旣淹
漸將頽毀欲有脩造又費財力如何機奏曰臣任司農
向已十年前後省費今見貯錢三千萬貫若以供葺理
可不勞而就也帝大悅詔機兼統將作少府二司使漸

歷代帝王宅京記卷九 五

宋氏槐廬校刊

營之於是機始造宿羽高山等宮并移洛水之中橋自
立德之西街徙於長夏之通衢韋機傳曰從立德坊
曲徙於長夏門街遂
廢利涉橋公私以爲便及機遷職帝登洛水高岸有臨
眺之美詔機於其所營上陽宮宮成移御之

帝御洛北陰殿尙書左僕射劉仁軌謂侍御史狄仁傑
曰古之陂池臺榭皆在深宮重城之內不欲外人見之
恐傷百姓之心也韋宏機之作列岸修廊在於堙堞之
外萬方朝謁無不覲之此豈致君堯舜之意哉

麟德二年春二月辛未乾元殿成洛陽宮
正殿也改應天門爲

則天門應天門武德四年
焚之至是造成

調露元年春正月己酉上幸東都司農卿韋宏機作宿

羽高山上陽等宮

按六典宿羽高山二宮皆在東都禁苑中制度壯麗上陽

宮臨洛水爲長廊互一里宮成上徙御之

夏五月戊戌作紫桂宮於澗池之西

永瀆元年夏四月改紫桂宮爲芳桂宮秋七月己亥作

奉天宮於嵩山南

宮在洛州嵩陽縣

宏道元年冬十二月丁巳道詔廢萬泉芳桂奉天等宮

武后本紀曰光宅元年秋九月甲寅改東都爲神都宮

名太初

垂拱四年春二月庚午毀乾元殿於其地作明堂以僧

懷義爲使凡役數萬人

冬十二月辛亥明堂成高二百九十四尺方三百尺凡

歷代帝王宅京記卷九 六

宋氏槐廬校刊

三層下層法四時各隨方色中層法十二辰上爲圓蓋九龍捧之上層法二十四氣亦爲圓蓋上施鐵鳳高一丈飾以黃金中有巨木十圍上下通貫榑欂櫨藉以爲本下施鐵渠爲辟雍之象號曰萬象神宮改河南爲合宮縣又命懷義作夾紵大像其小指中猶容數十人於明堂北起天堂五級以貯之至三級則俯視明堂矣懷義以功拜左威衛大將軍梁國公侍御史王求禮上書曰古之明堂茅茨不翦采椽不斲今者飾以珠玉塗以丹青鐵鸞入雲金龍隱霧昔殷辛瓊臺夏癸瑤室無以加也太后不報

延載元年秋八月武三思帥四夷酋長請鑄銅鐵爲天

樞立於端門之外

端門洛陽皇城正南門

銘紀功德黜唐頌周以

姚壽為督作使諸胡聚錢百萬億買銅鐵不能足賦民間農器以足之

天册萬歲元年正月

夏正月

丙申夜天堂火延及明堂

比明皆盡命更造明堂天堂

舊書薛懷義傳有御醫沈南膠得幸懷義忍漸衰恨

怨頗甚乃焚天堂明堂並為灰燼則

又鑄銅為九州鼎

天愧而隱之又合懷義充使督作

神都鼎曰豫州高一丈八尺受千八百石冀州鼎曰武

興雍州鼎曰長安兖州鼎曰觀青州鼎曰少陽徐州

鼎曰車源揚州鼎曰江都荆州鼎曰江陵梁州及十二

鼎曰咸都入州鼎高十丈四尺各受千二百石

歷代帝王宅京記卷九

七

宋氏槐廬校刊

夏四月戊寅天樞成

天樞其制若柱

高一百五尺徑十二尺八

面各徑五尺下為鐵山周百七十尺以銅為蟠龍麒麟

索繞之上為騰雲承露盤徑三丈四龍人立捧火珠高

一丈工人毛婆羅造模武三思為文刻百官及四夷酋

長名太后自書其榜曰大周萬國頌德天樞

萬歲通天元年春三月丁巳新明堂成高二百九十四

尺方三百尺規模率小於舊上施金塗鐵鳳高二丈後

為大風所損更為銅火珠羣龍捧之號曰通天宮

神功元年夏四月戊辰九鼎成徙置通天宮豫州鼎高

丈八尺受千八百石餘州高丈四尺受千二百石各圖

山川物產於其上共用銅五十六萬七百餘斤太后欲

以黃金千兩塗之姚璿曰九鼎神器貴於天質自然臣

觀其五色煥炳相雜不待金色以為炫耀太后從之自

元武門曳入令宰相諸王帥南北牙宿衛兵十餘萬人并仗內大牛白象其曳之

久視元年春一月夏正月戊寅作三陽宮於告成之石淙

三陽宮去洛陽一百六十里萬歲登封元年改洛州陽城縣曰告成

大足元年夏六月於東都立德坊南穿新潭安置諸州租船

李昭德傳曰長壽中神都改作文昌臺及定鼎上東諸門又城外郭皆昭德創其制度時人以爲能初都城洛水天津之東立德坊西南隅有中橋及利涉橋以通行李上元中司農卿韋機始修中橋置於安象坊之左街當長夏門都人甚以爲便因廢利涉橋所省萬計然歲爲洛水衝注常勞治葺昭德創意積石爲腳銳其前以分水勢自是竟無漂損

歷代帝王宅京記卷九 八

宋氏槐廬校刊

長安四年春正月丁未毀三陽宮以其材作興泰宮於

萬安山萬安山在洛州壽安縣西南四十里

元宗開元元年秋七月甲戌毀天樞

五年秋七月太常少卿王仁惠等奏則天立明堂不合古制又明堂尙質而窮極奢侈密爾宮掖人神雜擾甲子制復以明堂爲乾元殿冬至元日受朝賀季秋大享復就圓邱

詔曰古者操皇綱執天象者何嘗不上稽天道下順人極或變通以隨時爰損益以成務且衢室創制度堂以

筵因之以禮神是光孝享用之以布政蓋稱視朔先王所以厚人倫感天地者也少陽有位上帝斯歆此則神貴於不黷禮殿於至敬今之明堂俯臨宮掖比之嚴祀有異肅恭苟非憲章將何軌物由是禮官博士公卿大夫廣參羣議欽若前古宜存路寢之式用罷辟雍之號可改爲乾元殿每臨御宜依正殿禮

十年冬十月癸丑復以乾元殿爲明堂

十三年夏四月丙辰上與中書門下及禮官學士宴於集仙殿上曰仙者憑虛之論朕所不取賢者濟理之具朕今與卿等合宴宜更名曰集賢殿丁巳改集仙殿爲集賢殿麗正殿書院改集賢殿書院

歷代帝王宅京記卷九 九

宋氏槐廬校刊

二十年夏四月癸巳改造天津橋毀皇津橋合爲一橋二十七年冬十月詔將作大匠康訥詣東都毀則天所立明堂誓言則天時以木爲瓦夾紵漆之毀之勞人奏請且拆上層卑於舊制九十五尺又去柱心木平座上置八角樓樓上有八龍騰身捧火珠又小於舊制圓五尺覆以眞瓦依舊爲乾元殿十一月甲辰成

天寶元年冬十二月改應天門爲乾元門本則天門神龍元年三月

避天后號改爲應天門唐隆元年七月避中宗號改爲神龍門開元初又爲應天門

代宗永泰元年冬十一月河南道都統黃門侍郎平章事王縉請修東京宮殿從之

王縉傳曰遷河南副元帥請減軍資錢四十萬貫脩

東京殿宇

武宗會昌五年秋八月宰相李德裕等奏東都九廟神主二十六今貯於太微宮小屋請以廢寺材復修太廟九月詔修東都太廟

宣宗紀曰會昌六年四月東都太廟李石奏修奉大廟畢所迎奉太微宮神主耐廟訖東都太廟者本武后家廟神龍中中宗反正廢武氏廟主立太祖已下神主耐之安祿山陷洛陽以廟爲馬廐棄其神主協律郎嚴郢收而藏之史思明再陷洛陽尋又散失賊平東京留守盧正已又募得之廟已焚毀乃寄主於太微宮大厓十四年留守路嗣恭奏重修太廟以迎

歷代帝王宅京記卷九 十

朱氏槐廬校刊

神主詔百官參議紛然不定禮儀使顏真卿堅請歸耐不從會昌五年留守李石因太微宮正殿圯墜以廢宏敬寺爲太廟迎神主耐之又下百寮議皆言準故事無兩都俱置之禮惟禮部侍郎陳商議云周之文武有鎬洛二廟今兩都異廟可也然不宜置主於廟主宜依禮瘞於廟之北墉下事未行而武宗崩宣宗卽位因詔有司迎太微宮寓主耐廢寺之新廟而知禮者非之

昭宗天祐元年夏閏四月車駕遷於東都

昭宗天祐二年夏五月壬戌敕法駕遷都之始雒京再建之初慮懷土有類於新豐權更名以變於舊制今則

妖星既出於雍分

是年春正月彗星出北河貫文昌高五月復出軒轅大角及於天市垣

閼難倣於秦餘宜改舊門之名以壯卜年之永其京都見在門名與西京同者並改之於是改延喜門為宣仁門重明門為興教門長樂門為光政門光範門為應天門乾化門為乾元門宣政門為敷政門宣正殿為貞觀殿日華門為左延福門月華門為右延福門萬壽門為萬春門積慶門為興善門含章門為膺福門含清門為延義門金鑾門為千秋門延祐門為章善門保甯殿為文思殿

唐書地理志曰東都隋置武德四年廢其年十一月改東都六年九月改洛州貞觀六年號洛陽宮顯慶二年

歷代帝王宅京記卷九

十一

宋氏槐廬校刊

曰東都

十二月三日丁卯

光宅元年曰神都

九月五日

神龍元年復

曰東都

二月五日

天寶元年曰東京

二月十日

開元元年十二

月一日改為河南府上元二年罷京九月十日肅宗元年復為東都建卯月一日皇城長千八百一十七步廣千三百

七十八步周四千九百三十步其崇三丈七尺曲折以象南宮垣名曰太微城宮城在皇城北長千六百二十步廣八百有五步周四千九百二十一步其崇四丈八尺以象北辰藩衛曰紫微城武后號太初宮上陽宮在禁苑之東東接皇城之西南隅上元中置高宗之季常居以聽政都城前直伊闕後據中山左瀍右澗洛水貫其中以象河漢東西五千六百一十步南北五千四百

七十步西連苑北自東城而東二千五百四十步周二萬五千五十步其崇丈有八尺武后號曰金城

河南府

河南府 澠池縣西五里有紫桂宮儀鳳二年置調露二年改避暑宮永淳元年曰芳桂宮宏道元年廢

福昌縣西十七里有蘭昌宮有故隋福昌宮顯慶三年復置

永甯縣西五里有崎岫宮西三十三里有蘭峰宮皆顯慶三年置

壽安縣西一十九里有連昌宮顯慶三年置西南四十里萬安山有興泰宮長安四年置

歷代帝王宅京記卷九

三

朱氏槐廬校刊

汝州 臨汝縣有清暑宮在鳴皋山南貞觀中置

東都城左成皋右函谷前伊闕後邙山南面三門中曰定鼎左曰長夏右曰厚載東面三門中曰建春南曰永

通北曰上東北面二門東曰安喜西曰徽安都城隋煬年詔左僕射楊素右庶子宇文愷移故都創造也南值洛水之口北倚邙山之塞東出灑水之東西出澗水之西洛水貫都有河漢之象焉東去故都十八里煬帝既好奢靡愷又多奇巧遂作重樓曲閣連闈洞房綺繡瑰奇窮極巧麗大業未喪亂為王世充所據武德五年平充乃詔焚乾陽殿及建國門廢東都以為洛州總管府尋以宮城倉廩猶在乃置陝東道大行臺武德九年復為洛州都督府貞觀六年改為洛陽宮十二年車駕始幸洛陽顯慶元年復置為東都龍朔中詔司農少卿田仁住隨事修葺後又命司農少卿韋機更加營造永昌中遂改為神都濬加營構宮室百司市里郭郭於是備矣東面十五里二百一十步南面十五里七十步西面連苑距上陽宮七里北面距徽安門七里郭南廣北狹凡一百三坊三市居其中焉開元十二年廢西市取

厚載門之西一坊西連禁苑苑西四門南曰迎秋次日

遊義次日籠烟北曰靈溪皇城在都城之西北隅南面

三門中曰端門左曰左掖門右曰右掖門東面一門曰

賓耀西面二門南面麗景北曰宣耀東城在皇城之東

東曰宣仁門南曰承福門皇城在東城之內百僚廨署

如京城之制皇宮在皇城之北東西四里一百八十步南北二里八十五步

回十三里二南面三門中曰應天左曰興教右曰先政

百四十一步應天門端門若西京之承天門其內曰乾元門若西京之太極門東廊

延福興教之內曰會昌其北曰章善光政之內曰廣運

其北曰明福乾元之左曰萬春右曰千秋其內曰乾元

殿則明堂也證聖元年營造上圓下方八角殿之左曰四闈高三百尺元正冬至有時而御焉

歷代帝王宅京記卷九 三

春暉門右曰秋暉門北曰燭龍門明福之東曰武成門

其內曰武成殿明福之西曰崇賢門其內曰集賢殿武

成之北曰口壽殿集賢之北曰仙居殿其東曰億歲殿

又東曰同明殿其內又有觀禮歸義收成光慶等門延祥延壽觀文六合等殿宜春仙居迎祥

六合等院也其西北出曰洛城西門其內曰德昌殿北曰儀

鸞殿德昌南出曰延慶門又南曰韶暉門西南曰洛城

南門其內曰洛城殿又北曰欽羽殿洛城南門之西有麗景夾城自長潛

通於上陽焉上陽宮在皇城之西南苑之南垂也南臨洛水西距穀水東面即皇城

右掖門之南上元中營造高宗晚年常居北宮以聽政焉東面三門南曰提象門正

門北曰星躔門提象門內曰觀風門南曰浴日樓北曰

七寶閣其內曰觀風殿殿東面以內又有麗春臺耀掌亭九州亭其西則有

宋氏槐廬校刊

西上陽宮兩宮夾殿水虹橋以通往來北曰化成院西南曰甘露殿

殿東曰雙曜亭又西曰麟趾殿東曰神和亭西曰洞元

堂觀風之西曰本枝院又西曰麗春殿東曰含蓮亭西

曰芙蓉亭又西曰宜男亭北曰芬芳門其內曰芬芳殿

又有露菊亭互春妃嬪仙宮之南面曰仙洛門又西曰

通仙門並在院中其內曰甘湯院次北東上曰玉京門門內

北曰金闕門南曰泰初門玉京之西曰客省院蔭殿翰

林院又西曰上陽宮宮西曰含露門玉京西北出曰仙

桃門又西曰壽昌門門北出曰元武門門內之東曰飛

龍廡禁苑在皇都之西北距北邙西至孝水南帶洛水

支渠穀洛二水會於其門東面十七里南面二十九里西面五十里北面二十里周

歷代帝王宅京記卷九 古

朱氏槐盧校刊

週一百二十六里中有含璧冷泉高山龍鱗翠微宿羽明德望春青城黃女陵波十有一宮芳樹金谷二亭疑璧之池開元二十四年上以為穀洛二水或泛溢疲費人功遂救河南尹李適之出內庫和雇修三陂以禦之一日積翠二日月陂三日上陽爾後二水無力役之患

後梁

太祖開平元年夏四月戊辰改東都為西都

五月以西都水北宅為大昌宮

三年春正月改西都貞觀殿為文明殿含元殿為朝元

殿

二月改思政殿為金鑾殿

後唐

莊宗同光元年冬十一月河南尹張全義請遷都洛陽

從之通鑑考異曰實錄甲辰議修洛陽太廟按梁以汴州為東京洛京為西京莊宗以魏州為東京太原為西京真定為北都及滅梁廢東京為汴州以永平軍為西京而不云以洛陽為何京若以為東京則與魏州無以異諸書但謂之洛京亦未嘗有詔改梁西京為洛京至同光三年始詔依舊以洛京為東都或者以永平為西京時即改梁西京為洛京而史脫其文也今無可質正故但謂之洛陽

二年春正月丁未敕明堂殿偽梁改為朝元殿今復舊名改崇勳殿為中興殿應順門為永曜門太平門為舊春門通政門為廣政門鳳鳴門為韶和門萬春門為中興門解卸殿為端明殿秋八月辛巳詔諸道節度觀察防禦團練刺史等竝令於洛京脩宅一區

三年夏四月壬寅重脩嘉慶殿改名廣壽

帝苦溽暑於禁中擇高涼之所皆不稱旨宦者因言臣

歷代帝王宅京記卷九

五

朱氏槐廬校刊

見長安全盛時大明興慶宮樓觀以百數今日宅家曾無避暑之所宮殿之盛曾不及當時公卿第舍耳帝乃命宮苑使王允平別建一樓以清暑宦者曰郭崇韜常不伸眉為孔謙論用度不足恐陛下雖欲營繕終不可得上曰吾自用內府錢無關經費然猶慮崇韜諫遣中使語之曰今歲盛暑異常朕昔在河上與梁人相距行營卑溼被甲乘馬親當矢石猶無此暑今居深宮之中而暑不可度柰何對曰陛下昔在河上勅敵未滅深念讐恥雖有盛暑不介聖懷今外患已除海內賓服故雖珍臺間館猶覺鬱蒸也陛下儻不忘艱難之時則暑氣自消矣帝默然宦者曰崇韜之第無以皇居宜其不知

至尊之熱也帝卒命允平營樓日役萬人所費巨萬崇
韜諫曰今兩河水旱軍食不充顧且息役以俟豐年帝
不聽

秋八月毀京城南北壘光啟末張全義爲河南尹爲蔡
賊所攻乃於南市築壘自固又於市南嘉善坊別築南
城天復脩都之際元末毀撤至於左補闕楊途奏毀之
冊府元龜曰後唐天成四年八月乙丑左補闕楊途奏
竊見京城之內尙有南州北州縱市井不可改移城池
卽宜廢毀伏見都成舊墻多已摧塌不可使浩穰神京
旁通綠野徘徊壁壘俯近皇居無復因循亟宜修葺初
光啟末張全義爲河南尹爲蔡賊所攻乃於南市一方

歷代帝王宅京記卷九 六

朱氏槐盧校刊

之地築壘自固後延於市南又築嘉善坊爲南城天復
修都之際元末毀撤途之所奏頗適事宜

庚申新作興教門樓

門蓋昭宗所改郭從謙
之變亂兵焚興教門

明宗長興四年夏六月名宮西新園曰永芳園新殿曰
和慶殿

後晉

晉高祖天福二年春正月丙寅改中興殿爲天福殿中
興門爲天福門

秋七月改元德殿爲廣政殿元德門爲廣政門
冬十一月改洛京潛龍宅爲廣德宮

通鑑天福三年六月河南留守高行周奏修洛陽宮

左諫議大夫薛融諫曰今宮室雖經焚毀猶侈於帝堯之茅茨所費雖寡猶多於漢文之露臺況魏城未時范延光下據魏州公私困窘誠非陛下修宮館之日俟海內平甯營之未晚上納其言仍賜詔褒之

七年春閏三月改宣明門爲朱鳳門武德殿爲視政殿文思殿爲崇德殿畫堂爲太清殿寢殿爲乾福殿其門悉從殿名改皇城四門名南曰乾明北曰元德東曰萬春西曰千秋

後周

周世宗顯德元年秋七月西京留守武行德葺洛陽羅城

歷代帝王宅京記卷九

七

朱氏槐廬校刊

五代史職方考曰洛陽梁唐晉漢周常以爲都唐改爲東都梁爲西都後唐爲洛京晉爲西京漢周因之

羅紹威傳曰梁太祖卽位將都洛陽紹威取魏良材爲五鳳樓朝元前殿浮河而上立之京師

地理通釋京城周回五十二里大內據京城之西北

宋史地理志曰西京唐顯慶間爲東都開元改河南府

宋爲西京山陵在焉宮城周迴九里三百步城南三門

中曰五鳳樓東曰興教西曰光政因隋唐舊名東一門曰蒼

龍西一門曰金虎北一門曰拱辰舊名元武大中五鳳

樓曰東西門曰左右永泰門外道北有鸞和門太平興

以車輅院門改右永泰門西有永福門興教光政門內各三門

日左右安禮左右興善左右銀臺蒼龍金虎門內第二
隔門曰膺福千秋膺福門內道北門曰建禮正殿曰太
極舊名明堂太平
興國三年改殿前有日月樓日華月華門又有三
門曰太極殿門後有殿曰天興次北殿曰武德西有門
三重曰應天乾元敷教內有文明殿旁有東上閣門西
上閣門前有左右延福門後又有殿曰垂拱殿北有通
天門柱廊北有明福門門內有天福殿殿北有寢殿曰
太清第二殿曰思政第三殿曰延春東又有廣壽殿視
朝之所也北第二殿曰明德第三殿曰天和第四殿曰
崇徽天福殿西有金鸞殿對殿南廊有彰善門殿北第
二殿曰壽昌第三殿曰玉華第四殿曰長壽第五殿曰

歷代帝王宅京記卷九

六

朱氏槐廬校刊

甘露第六殿曰乾陽第七殿曰善興西有射弓殿千秋
門內有含光殿拱宸門內西偏有保甯門門內有講武
殿北又有殿相對內園有長春殿淑景亭十字亭九江
池砌臺娑羅亭宮城東西有夾城各三里餘東二門南
曰賓暉北曰啟明西曰二門南曰金曜北曰乾通宮室
九千九百九十餘區夾城內及內城北
皆左右禁軍所處皇城周迴十八
里二百五十八步南面三門中曰端門東西曰左右掖
門東一門曰宣仁西三門南曰麗景與金曜相直中曰
開化與乾通相直北曰應福內皆諸司處之京城周五
十二里九十有六步隋大業元年築唐
長壽元年增築南三門中曰定
鼎東曰長夏西曰厚載東三門中曰羅門南曰建春北

曰上東西一門曰關門北二門東曰安善西曰徽安政和
元年十一月重修大內至六年九月畢工朱勝非言政
和間議朝謁諸陵朔有司預爲西幸之備以蔡攸妻兄
朱昇爲正西都漕修治西京大內合屋殿千間盡以真
漆爲飾工役甚大爲費不貲而漆飾之法須骨灰爲地
科買督迫灰價日增一斤至數千於是
四郊冢墓悉被發掘取人骨爲灰矣
宋昇傳曰爲京西都轉運使蒞葺西宮方是時徽宗議
謁諸陵有司預爲西幸之備昇治宮城廣袤十六年創
廊屋四百四十間

歷代帝王宅京記卷九

九

朱氏槐廬校刊

光緒歲在著雍困敦春月吳縣朱記榮槐廬家塾校刊
歷代帝王宅京記卷九終